



# Tuhaqtittitjutikhaq



Kavamanga Nunavut, Nunavut Tunngavikkut Timinga,  
pitjutaa Nunavunmiutanut ikayuutigilugu ilingaiyavallianirmut

**IQALUIT, Nunavut (Tattiaqnaqvia 18, 2010)** – Nanngariyauyuq Eva Aariak, Hivuliqti Nunavunmi, unalu James Eetoolook, Angiyuqqaangullaktuq, Nunavut Tunngavikkut Timinga, ublumi tuhaqtittiyuq havaqatigiiknahuaqtumik ihuaqhinahugitlugu ilingaiyavallianirmut Nunavunmi. Pitquiyut tamainnut Nunavunmiutanut ilautkuvlugit.

“Ilangaiyavalliani q havaktaulluagakhaq uumunga kavamanganut,” uqaqtuq Hivuliqti Aariak. “Ilangayut pitjutaayut tamaptingnut, imaalu tamaptingnit pitjutaayughaq aghuurutigilugu una aghuurutauyuq. Tamapta piniaqtugut una Nunavut ihuaqtumik upalungaiyautikhakariangani ilangaiyavallialutik ,alrukni ukiuni tikiliktuni, piiktaulugulu ilangayunik aturaaqpaktakhamut.”

James Eetoolook uqaqtuq NTI-kut havakatigiyumavlugit uqaqtut kavamatkunit ilangaiyavallianirmut una hanaqitjutikhaq tuhaqtitjutigingmatjuk Qiqaiyaqviki uumani ukiungani. “NTIikut qilamik havaknahuaqtaat havaqatigiyumavlugit kavamatkut aalallu havaqatigiiknahuat upalungaiyautigilugu havaliklugulu una ilangaiyavallianiqmut qanuriliurutikhaq Nunavunmut,” uqaqtuq.

Una ilangaiyavallianiqmut qanuriliurutikhaq iniqtauniaqtuq nungutinnagu ukiunga 2011. Havaktauniaqtuq pingahuni pitjutikhainni: taminni nunallaani qauyihailutik; aviktuqhimayuni katimakyuaqlutik; unalu, iniqtirutikhaa katimakyuaqlutik Iqalungni. Pitjutiginiaqtaat upalungaiyautigilugu havaliklugulu uumunga ilangaiyavallianiqmut qanuriliurutikhaq Nunavunmut.

Pitjutikhaa ikayuqtauniaqtut hivuliqtiyunit Kavamatkunit, Inuit katimayiinnit, maniliungittunit havakvinit nanminiqaqtunullu nunallaamit. Piangaiyarniarmun Ingilrayuliyitkullu Ministanga Peter Taptuna munariniaqtaa Kavamanga Nunavunmi.

“Uumani ukiuqmi tuhaayumayavut tamaita Nunavunmiutanit ilingayunut nunallaaptingni,” uqaqtuq Taptuna. “Piyavut ilangaiyavallianiqmut upalungaiyautikhat ihuaqtumik piniaqtut ilaukpata tamaita inuit: nunamiutat, maniliungittut havakviit, nanminiqaqtut, Inuit katimayiit kavamatkullu tamaita.”

Hivuliqti Aariak unalu Angiyuqqaangullaktuq Eetoolook titiraqvigiyaait tamaita haamlatkut ilauyaamingni nunamiutanut uqarianginni ihumagiyamingnut ilinganirmut. Katimaniaqtut tamainni nunallaani hitamani tatqihuiutini atulikniaqtuni nipiit tamaita tuhaqtauyaanginni.

“Piyumayakkut tamaita nunallaat ilauyaanginni uumunga pitjutaanut,” uqaqtuq Minista Taptuna. “Kavamatkut NTI-kullu ikayuqniaqtut uqaqatigiigutauyaangni ilingayunik tamainni Nunavunmi nunallaani. Tamaita inuit ilauyughat upalungaiyautikhamut uumunga qanuriliurutikhaanut.”

- 30 -

## Naunairumagungni Uqaqvigilugu:

Emily Woods

Tuhaqtittitjutikhanut Titiraqti

Hivuliqtiup Havakvia

☎ (867) 975-5059

✉ [ewoods@gov.nu.ca](mailto:ewoods@gov.nu.ca)

[www.premier.gov.nu.ca](http://www.premier.gov.nu.ca)

Franco Buscemi

Aulapkaiyi Tuhaqtitjutikhanut

Nunavut Tunngavikkut Timinga

Hivayautaa: (867) 975-4939

1-888-646-0006

[www.tunngavik.com](http://www.tunngavik.com)

[fbuscemi@tunngavik.com](mailto:fbuscemi@tunngavik.com)